

佛說虛空藏菩薩神呪經

如是我聞一時佛在佉羅帝耶山仙聖住處與無數大比丘眾俱大菩薩眾數如恒沙無量無邊演說如來功德經已爾時西方有如意寶珠自然而現百千釋迦毘楞伽寶珠以為眷屬彼如意寶珠所出光明皆悉明徹此間人天聲聞菩薩所有四大光明色像皆滅無餘唯除如來及如意寶珠其餘皆與無量無邊不可言說虛空同相

爾時世尊光色益明時會眾生各不相見亦不得觸身色形相其所視方不見日月星宿光明眼不見色耳不聞聲鼻不嗅香舌不知味身不覺觸心心數法無我我所唯見如來色相光明如意寶珠在會菩薩住十地者得首楞嚴三昧者一生補處者最後身者心不怖畏何以故以解諸法真如寶相第一義空故其餘菩薩諸聲聞眾天龍夜叉阿修羅緊那羅物槃荼毘舍遮富多那迦吒富多那人及非人諸來會者皆悉驚怖或於此彼

不相知見是何事乎無認問處

爾時會中有菩薩摩訶薩名曰梵音從坐而起合掌向佛而說偈言
諸法真實義 眾生不能知
愚於六根中 貪着色陰故
以不見一陰 推求於色相
今有如是眾 疑惑於佛法
唯願佛世尊 為說真實相
得解於此彼 速證如空忍
禪定勇猛士 不可論說身
如意摩尼寶 在頂而顯現
釋迦楞伽寶 相去亦不遠
彼來諸眾生 勇健到彼岸
皆有大智慧 欲來見世尊
必說甚深法 決定無有疑
唯願佛世尊 安慰諸來眾
成就於眾生 大士之所行
爾時世尊便說偈言
如汝之所說 三昧力所為
其有智慧者 乃得聞是事
虛空藏菩薩 大士之所行
無依無戲論 三昧力如是
堅住於二見 愚惑之所行

以著斷常故 不解於此彼

若於此二見 欲得解脫者
不應著諸欲 速得證諸地
佛告梵音善男子初行菩薩先當為說有緣想行六波羅蜜若能解知四大之性是生滅法然後為說一切諸法不可言說無有自相不生不滅無緣無所有一切諸行皆悉如是能如是觀則離斷常亦無怖畏於一切法無緣無觸則能速滿六波羅蜜亦復不着斷常諸見佛神力故令此大眾諸來會者見聞覺知皆悉如前
爾時世尊即舉右手告大眾言虛空藏菩薩今從彼來而此菩薩禪定如海淨戒如山智如虛空精進如風忍如金剛慧如恒沙諸菩薩幢趣涅槃者導善根河池池貧者寶瓶闇冥者日失道者月怖畏者山煩惱病者良藥淨諸見水摧諸魔怨猶如霜電治破戒者如安闍那藥諸善根地眾華中鬘照惡行者鏡無慚愧者眼病者良醫疲懈者床坐能充飢虛如尸利天能除渴乏如月愛珠照禪定者如日

愛珠行菩提道者車遊戲禪定者池
修助道法者華鬘行諸波羅蜜者妙
果照十地者如意寶珠覆住首楞嚴
三昧者如波利質多羅樹斷諸見結
如利刀除去習氣如金剛能伏魔怨
智如猛火其身即是諸佛法器緣覺
華鬘聲聞衣服諸天眼目人之正導
畜生所依餓鬼所歸地獄救護眾生
法器菩薩般車三世諸佛輔佐守法
城門已能莊嚴佛十八法具一切智
彼族姓子應受一切眾生最勝供養
唯除如來汝等諸來會者皆應往近
隨其意力供養恭敬尊重讚歎以種
種珍寶寶幢幡蓋華香瓔珞淨治道
路而嚴飾之汝等不久亦當得成如
是法器時會一切諸來大眾皆從坐
起叉手合掌向虛空藏菩薩所來方
面欣喜敬禮瞻仰無厭

爾時會中諸大菩薩摩訶薩及大聲
聞天王龍王夜叉王阿修羅王迦樓
羅王緊那羅王摩睺羅王五通諸仙
皆作是念我等當以何等最勝供具
奉獻供養彼族姓子爾時虛空藏菩
薩摩訶薩即變此娑婆世界無有山
陵曠野堆阜溝壑除去臭穢風塵惡
聲化生七寶諸樹華葉出微妙香依
地草木皆成七寶一切眾生所有病
苦及地獄苦皆悉除滅衣服飲食諸
莊嚴具隨意滿足身色端正諸根完
具無有煩惱其心寂靜樂修善根深
信三寶諸來會者一一眾生兩手皆
有如意寶珠一一寶珠皆出光明遍
照娑婆世界普令大明出妙天樂種
種音聲雨種種天衣瓔珞華菓多摩
羅跋牛頭旃檀碎末雜香盛以妙器
其道兩邊化作寶堂猶如帝釋毘者
延堂其堂皆有端嚴天女如第六天
王勝妙采女作天伎樂世尊頂上虛
空中有大寶蓋縱廣一百由旬眾寶
莊嚴如梵華蓋諸寶羅網金縷真珠
以為間錯皆出音樂地生草木菓菓
枝葉亦出天樂其音皆演大乘法
六波羅蜜眾生聞者皆得不退阿耨
多羅三藐三菩提時會大眾見虛空
藏菩薩現大莊嚴心生欣慶得未曾
有皆作是言我等當以何物於世尊

前敷置法坐令彼族姓子而坐其上
爾時佛前有大蓮華自然而出縱廣
十里白銀為莖黃金為葉馬瑙為臺
梵光寶為鬚復有如是百千蓮華而
圓遶之虛空藏菩薩於蓮華上結跏
趺坐頂上有如意寶珠虛空藏菩薩
所將眷屬皆悉坐於蓮華之上
爾時彌勒菩薩即以偈問藥王菩
薩

昔來諸菩薩 有大名稱者
先禮佛世尊 然後乃就坐
今此大士眾 現妙莊嚴事
亦不禮世尊 輒便就於坐
今時藥王菩薩摩訶薩以偈答彌勒
菩薩摩訶薩
今此大士者 已住佛深法
不見有眾生 不分別己身
彌勒菩薩復以偈問
若不見眾生 必住於實際
何故現莊嚴 願答以決定
藥王菩薩復以偈答
勇猛方便者 欲成就眾生
凡愚分別行 不解真實義

唯知於世諦 不達真故苦
介時世尊告族姓子善哉善哉如汝
所說一切凡夫不能知一須陀洹所
行方便及以解脫假令一切衆生是
須陀洹不能知一斯陀含所行方便
及以解脫如斯陀含阿那含阿羅漢
不能知一辟支佛所行方便及以解
脫一切衆生皆是法伽劫辟支佛不
能知一得無生法忍菩薩摩訶薩所
行方便成就衆生及以解脫一切衆
生皆得無生法忍不能知一得首楞
嚴三昧諸無礙智通達第一義菩薩
摩訶薩所行方便及以解脫此虛空
藏菩薩摩訶薩已過無量無邊劫得
無生法忍諸無礙智首楞嚴三昧通
達第一義悉能知此諸來會衆心之
所行及諸煩惱或有衆生見大莊嚴
微妙之事皆得位於離欲之地是族
姓子於彼處沒而來此間現如虛空
神通智慧三昧令諸衆生厭離心
然後復現世諦莊嚴三昧令無量衆
生得成就如是三昧不與聲聞辟支
佛共若彼族姓子現第一義無生莊

嚴者一切人天乃至八位菩薩皆生
驚疑而不能知所行相貌如是甚深
佛法功德彼族姓子以方便智於一
切佛法海中無有疑不由他知一
切菩薩摩訶薩秘密法中猶如勝幢
能示衆生善道及涅槃道能治衆生
煩惱心病及以身病有諸衆生於生
死曠野為邪見所沒而不能知趣向
善道及涅槃方便者常應深心稱虛
空藏菩薩名號禮拜恭敬燒阿伽樓
香而供養之彼族姓子視其染心及
以煩惱隨彼煩惱諸見愚痴及先善
根調伏之心若於佛所法所僧所而
種善根或行布施福業持戒福業修
定福業隨其所應若夢若寤以大方
便示其正道以正方便故速離邪見
邪行邪願邪心邪趣令彼衆生身口
意正行正願善友速能消除穢惡煩
惱離諸惡趣不壞善因心得自在住
甚深忍若有衆生種種身病顛狂心
亂眼不見色口不能言身分壞者當
以深心稱虛空藏菩薩名號為除病
故燒阿伽樓香若多伽樓香禮拜供

養彼族姓子於其夢中現梵天衆若
帝釋象尸利天象若薩羅婆沙帝天
象若刹帝利象若大臣象若父母象
若男女象在其前立隨其所應示所
方藥及所須物令彼病人因此一方
病滅無餘若有勸導求財物者學問
求多聞者坐禪求智慧者求名譽者
求巧術者求聚落者求尊貴者求色
力者求種族者求音聲者求男女眷
屬者求布施持戒乃至智慧者求妙
音聲令衆樂聞者欲遠離惡者欲令
他住布施乃至住智慧者欲得長壽
者欲得資生無亡者欲令慳吝者修
捨毀戒者住戒懈怠者精進邪慧者
正慧未住乘者住乘自求乘者為他
求乘者無大悲心者不自為身但為
衆生以何方便令此衆生於阿耨多
羅三藐三菩提不退轉住大方便四
無量心應當禮拜恭敬虛空藏菩薩
若於空處若園林中燒多伽樓香若
迦荼阿菟羅香合掌歸向敬禮十方
禮已應說是呪
囉吽姪他 阿彌唎鑠 阿彌唎

鏢 迦 嚕 彌 迦 上 柘 上 羅 上 柘 羅
 毘 上 柘 上 羅 上 珊 柘 上 羅 迦 嚕 彌
奴 轉 反 迦 上 曷 囉 上 磨 囉 上 曷 囉 上
餘 同 磨 囉 上 毘 上 伽 上 阿 喇 磨 磨 法 上
 菩 上 嚕 閣 上 磨 那 上 迦 嚕 彌 迦 上
 真 多 磨 孃 上 車 囉 上 夜 迦 嚕 彌 迦
 上 娑 上 囉 上 瞞 奢 嚩 迷 娑 上 他 跋
 夜 阿 賢 囉 何 阿 喇 娑 上 湖 下 明 曹 反
下 同 共 下 同 娑 上 湖 共 音 同 戶 嚕 底 下 同 毘
 上 蓮 伽 上 共 上 同 提 徒 唎 瑟 知 上
 薛 伽 上 共 上 同 迦 嚕 彌 迦 上 連 唎 夜
 觀 磨 阿 奢 上 同 夜 娑 上 囉 上 瞞 跋 陀
 上 柘 上 阿 上 輸 迦 上 伽 上 底 娑 上
 婆 訶

若能如是誦持是呪彼族姓子若作
 人形若鳥獸形以示其人隨彼福德
 而為說法示一方便以一方便能令
 百千那由他衆生來往乘者或住聲
 聞辟支佛乘以少時方便令住不退
 無上大乘得種種三昧諸陀羅尼諸
 忍諸地彼族姓子有不可思議大方
 便智成就大悲或有衆生能量虛空
 分齊無有能量虛空藏菩薩大方便

智大慈大悲禪定三昧力成就衆生
 者彼族姓子成就如是不可思議諸
 善功德若有衆生其心質直無有諂
 曲安住正見不自高身不他人離於
 慳嫉無有虛偽心清淨者彼族姓子
 起憐愍心教令精進示正方便令彼
 衆生以是方便精進力故離諸衰患
 能發阿耨多羅三藐三菩提心迴一
 切善根於阿耨多羅三藐三菩提不
 退轉以此方便精進力故能遍滿足
 六波羅蜜勤行精進疾成阿耨多羅三
 藐三菩提虛空藏菩薩成就如是不
 可思議功德勤行精進成就衆生今
 時彌勒菩薩白佛言世尊何因緣故
 彼族姓子頂上獨有如意寶珠餘菩
 薩無邪佛告彌勒彼虛空藏菩薩成
 就大悲於諸苦危犯根本罪趣向惡
 道燒滅善根而自毀壞於此衆生是
 大良藥住黑暗衆生為作大明猶如
 日照若有衆生犯根本罪疑箭在心
 破壞法器永墮棄損喪失善根必墮
 惡趣無歸無依智者所棄耶惡衆生
 彼族姓子能示正道除滅煩惱令離

惡趣若有衆生貪欲瞋恚愚癡多者
 言無因果不畏後世積聚無厭常行
 貪嫉乃至專行十不善業亦教他行
 彼族姓子猶如船車能示善道及涅
 槃道是故彼族姓子唯除如來一切
 世間人天皆應供養

今時彌勒菩薩白佛言世尊何等是
 根本罪若有衆生犯根本罪燒滅善
 根趣向惡道永墮棄損離人天樂彼
 族姓子云何除罪以善道樂及涅槃
 樂而充足耶佛告彌勒刹帝利王有
 五種根本罪若刹帝利王犯此罪者
 燒滅善根趣向惡道永墮棄損離人
 天樂何等為五刹帝利王若取佛物
 招提僧物若教他取是名初罪謗聲
 聞法謗辟支佛法謗大乘法為作留
 難隱蔽覆藏是第二罪若有信心出
 家刹除鬚髮身著染衣或有持戒或
 不持戒脫其袈裟逼令還俗或時繫
 閉或加杖楚或斷其命是第三罪若
 作五逆殺父殺母殺阿羅漢破和合
 僧惡心出佛身血於此五業若造一
 業是第四罪謗無因果不畏後世常

行十不善業亦教他行身自堅住教他堅住十不善業是第五罪若刹帝利王於此五罪若犯一罪是刹帝利王燒滅善根趣向惡道永墮棄損離人天樂彼族姓子為是人故於離車出現身受生或作沙門形象威儀或作婆羅門形象威儀為刹帝利王說一切智所說甚深未曾有修多羅經諸陀羅尼諸忍諸地令刹帝利王發露懺悔修戒聞定慧勤行精進得生善處大臣輔相有五種根本罪何等為五大臣輔相若取佛物僧物是名初罪若破壞城邑聚落毀害人民是第二罪誹謗正法如上所說是第三罪毀出家人令其苦惱如上廣說是第四罪於五無間若作一業是第五罪大臣輔相於此五罪若犯一罪如上所說聲聞弟子有五種根本罪何等為五一者殺二者盜三者淫四者妄語五者惡心出佛身血聲聞弟子於此五罪若犯一罪如上所說初行菩薩有八種根本罪毀壞大乘燒滅善根趣向惡道永墮棄損離人天

乘之樂久住生死離善知識何等為八此諸眾生以惡行故生此險惡五濁世界以少善根故近善知識得聞甚深大乘經典其人淺智善根微薄發阿耨多羅三藐三菩提心初行菩薩聞說甚深法空經典如其所聞受持讀誦為淺識者隨其所聞義而為演說彼人聞法心生怖畏便退阿耨多羅三藐三菩提發聲聞心此初行菩薩犯根本罪以犯罪故燒滅善根趣向惡道永墮棄損離於人天涅槃之樂毀善提心是故菩薩應當先知眾生心行然後漸次而為說法譬如入海漸漸轉深為此入故虛空藏菩薩處處受身令初行菩薩隨所犯罪畏墮惡道若聞虛空藏菩薩名號聞已歡喜欲得親見懺所犯罪於夜後乃燒阿伽樓香多佉羅香合掌恭敬稱虛空藏菩薩名號彼族姓子隨其所應現種種身或現自身或梵釋身乃至現男女之身在其人前即令初行菩薩隨其所犯懺悔除罪亦復為說無上大乘甚深方便三昧陀羅尼

諸忍諸地令離惡道怖畏不退阿耨多羅三藐三菩提發大精進猶如金剛行六波羅蜜速證阿耨多羅三藐三菩提虛空藏菩薩若不現身應當求請阿樓那天作如是言南無阿樓那天成就大悲有大威勢若出現時光明照耀遍閻浮提并照我身願以我言白虛空藏菩薩使我夢中而得見之示我方便令我懺悔根本重罪得摩訶衍智慧聖眼今時應當眠寢本處至阿樓那天出時虛空藏菩薩為初行菩薩夢中現身為說大智方便令其悔罪亦不忘失菩提之心速得三昧堅住大乘速滿足六波羅蜜不久當得阿耨多羅三藐三菩提是名初行菩薩第一之罪若初行菩薩語眾生言汝於大乘不能善修般若波羅蜜亦復不能得成阿耨多羅三藐三菩提汝應速發聲聞辟支佛心汝可速得出離生死餘如上說是名初行菩薩第二之罪復次若初行菩薩說眾人言汝何為堅持波羅提木又戒應速發阿耨多

羅三藐三菩提心讀誦摩訶行經若以煩惱故起身口意不善業不者皆當除滅不受果報餘如上說是名初行菩薩第三之罪

復次若初行菩薩語衆生言族姓子汝不應聽受聲聞經法應當覆藏何以故不能令汝得大果報永斷煩惱應當聽受摩訶行經令汝惡行一切消滅速證阿耨多羅三藐三菩提若彼衆生受是見者犯根本罪是名初行菩薩第四之罪

復次若初行菩薩為名利故讀誦解說摩訶行經作如是言我是摩訶行人見他得利心懷瞋恨自高其身卑下他人以嫉妬故自說己身得過人法是人於摩訶行中而犯重罪趣向惡道永墮棄損猶如有人欲入大海修治船舫欲至寶所中路船壞喪失身命初行菩薩亦復如是欲入摩訶行海以嫉妬故而作妄語毀破信船斷智慧命是摩訶羅凡小菩薩犯根本罪是名初行菩薩第五之罪
復次族姓子未來世中當有出家在

家初行菩薩受持讀誦甚深空義三昧陀羅尼諸忍諸地大人所行諸莊嚴事大乘經典作如是心為他解說此諸法者是我所證我今以大悲故為汝解說汝應修習汝亦不久於此深法當自知見彼人不言我但讀誦此甚深法為他解說而實未證忘說己身得三世諸佛菩薩摩訶薩諸賢聖人量過大海所證之法猶如有逕過曠野飢渴所逼甚大疲乏趣彼樹林樹求索飲食捨甘菓樹往趣毒樹食其菓實即便命終我說此人亦復如是得難得身值善知識遇大乘法貪利養故虛自稱舉卑下他人如是之人犯根本罪趣向惡道永墮棄損智者所賤是人不應親近刹利波羅門毘舍首陀羅及諸智人若親近者皆悉犯罪是名初行菩薩第六之罪
復次族姓子未來世中刹帝利王有旃陀羅國師宰相輔佐大臣旃陀羅醫又有愚癡自謂明智起大憍慢如是等人多饒財寶廣脩種種布施福業持布施故憍慢放逸向刹利王說

諸沙門種種過惡亦向沙門說王過惡國王力故謫沙門侵奪財物時諸比丘為彼所逼便取佛物招提僧物及己身物而用與之諸旃陀羅得是物已以上王如是之人俱犯重罪是名第七之罪
復次未來世中有惡國王旃陀羅沙門非法是法捨修多羅毘尼正戒亦復不依黑印大印大悲導師所說般若波羅蜜戒及餘修多羅中善方便戒更作異法造新制限惱亂行法比丘以惱亂故不能修習毘婆舍那及舍摩他多行學問歡作衆事行是業故不能制伏諸結煩惱是諸比丘既失善心又破威儀所行怠慢實非沙門自稱沙門不修梵行自稱梵行無所忌難高聲言論猶如具音善能說法令刹利王大臣輔佐恭敬供養向諸白衣妄說行法比丘種種過惡令王大臣起嫌責心取行法比丘資生之物迴與居家比丘如是之人俱犯重罪何以故禪定比丘是良福田是三昧陀羅尼諸忍諸地之器演說正

道能作照明度脫衆生煩惱諸業佛為不具法初行菩薩說此八根本罪初行菩薩於此八事若犯一罪是初行菩薩燒滅善根趣向惡道永墮棄損離人天樂毀菩提心虛空藏菩薩為是人故於諸方土處處現身或現沙門形相威儀乃至畜生形相威儀廣說如首楞嚴經處處為諸衆生解說如來甚深修多羅三昧陀羅尼諸忍諸地令彼犯罪無方便慧初行菩薩心生慚愧深懷怖畏發露懺悔若諸衆生聞虛空藏菩薩名號欲得都見懺悔重罪永得除滅惡道畏者應當禮敬稱虛空藏菩薩名號彼族姓子隨其福力或現自身或現梵釋身乃至現男女身在其人前令初行菩薩隨所犯罪而得懺悔亦為演說無上大乘甚深方便三昧陀羅尼令其堅住諸忍諸地永得遠離惡道怖畏於阿耨多羅三藐三菩提而不退轉有大精進勇猛之力猶如電光修行六波羅密速成阿耨多羅三藐三菩提

若彼族姓子不為現身令得見者彼若有罪初行菩薩於夜後分向於東方燒香禮拜求請阿耨那天作如是言南無阿耨那天成就大悲有大威勢若出現時光明照耀遍閻浮提并照我身願以我言白虛空藏菩薩使我夢中而得見之示我方便令我懺悔根本重罪得摩訶衍智慧聖眼今時應當眠寢本處至阿耨那天出時虛空藏菩薩為初行菩薩夢中現身為說大智方便令其悔罪永忘失菩提之心速得三昧堅住大乘速滿足六波羅密不久當得阿耨多羅三藐三菩提以有如是精進勇猛不可思議大功德故虛空藏菩薩頂上有此如意寶珠

復次族姓子若有衆生聞虛空藏菩薩名號圖畫形像而供養者其人所生之處火不能燒水不能溺兵刃不害毒不能傷人與非人無能侵害終不橫死王事不加不犯根本重罪無有疾病亦不餓死命欲終時乃至眼不見色耳不聞聲鼻不聞香舌不知味身不覺觸猶有微細出入氣息身少識在乃至最後微識今時虛空藏菩薩即為現身若此衆生先事梵天現梵天象先事魔王那羅延天摩醯首羅釋提桓因轉輪聖王日月天子提頭賴吒乃至毘沙門王隨其所事於彼人前示現其身而說偈言

如是四聖諦 智慧者所見
以知於生死 能度諸有海
時彼衆生於意識中知此法已皆生善處若有衆生信敬佛者即現佛身而說偈言

佛正智清淨 能度諸有海
速得證諸地 遠離一切苦
今時衆生聞說是語思惟佛功德故命終之後所往生處國土清淨無有五濁面見諸佛現在說法念佛法僧亦復如是虛空藏菩薩成就如是不思議甚深功德若有衆生欲得種種心自在者於夜後分應淨澡浴恭敬禮拜虛空藏菩薩於諸衆生起慈愍心作如是言念我念我有大智得大慈悲虛空藏菩薩願與我念定方

便即說是呪

跢姪他尸增姪曷羅上那上谿跋叉

那上夜摩訶迦增孃迦上阿上弩跋

蟾婆從旃唎底瞞閣上嚙上蟾婆

從旃唎底曷嚙輸從旃唎底阿上

那上摩從旃唎底滿跢俱知從旃唎

底沙上婆訶

若誦持是呪即得入念定方便復次

若欲讀誦種種經論若佛所說若弟

子所說者應淨澡浴餘如上說即說

呪曰

跢姪他阿上爾羅上閣上嚙上

沙上可閣上嚙上夜瞞那上閣上嚙上

婆上迷跛吒下羅上閣上沙上

他那上婆上羅上嚙上嚙上婆上

迦上囉上嚙上嚙上嚙上嚙上

若欲入大海者欲入幽穴求珍異者

欲服神仙藥者被繫閉者受形罰者

若臨死者愛別離者怨憎會者水火

刀兵畏者虎狼師子毒蛇盜賊所劫

長病乃至乏衣食者當禮拜恭敬虛

空藏菩薩摩訶薩餘如上說若諸王

子欲求王位者求長壽者求威德波

羅門者求威德居士者求巧方術者

求名聞者求容貌端正者求修定者

求解脫者如是衆生聞虛空藏菩薩

名號於夜後分應淨澡浴着新好衣

昇高座上至心水求請作如是言南

無虛空藏菩薩有大悲者與我福德

滿我志願彼族姓子以天耳聞隨其

福力即為現身彼族姓子有如是不

可思議大智方便諸善功德已度甚

深佛法大海善男子或有衆生能數

四大海水知其滄數無有衆生能量

虛空藏菩薩大智方便成就衆生者

或有衆生能量度無量無邊虛空分

齊無有衆生能籌量虛空藏菩薩摩

訶薩為成就衆生故現種種身或現

佛身婆羅門身乃至示現畜生之身

若於寤時若於夢中乃至衆生臨命

終時最後意識而為現身除其惡業

離惡趣畏令住善道彼族姓子成就

如是不可思議大智方便諸善功德

已度甚深佛法大海是故頂上有如

意寶珠今時大衆諸來會者見虛空

藏菩薩摩訶薩未曾有事皆悉尊重

合掌恭敬以種種偈頌而讚歎之今

時虛空藏菩薩前禮佛足白佛言世

尊云何如來能於此五濁世界無明

闇冥衆生之中而作佛事佛告彼族

姓子譬如虛空無染無患無癡其性

清淨以風雨塵霧因緣故而不清淨

因緣散滅如本清淨便見日月星宿

知有刹那羅由須臾之間晝夜時歲

如是善男子如來於第一義空心得

自在以諸衆生為客塵煩惱染汚其

心是故如來而為說法令染汚心還

得清淨若有衆生得遇如來智慧光

照便能明了證知甚深佛法所謂四

念處八聖道分乃至安住十八不共

法大慈大悲大智大種智是故便有阿

羅漢辟支佛菩薩摩訶薩諸佛如來

出現世間善男子於意云何虛空依

眼依眼識生觸邪不也世尊於意云

何虛空依內眼緣觸生三受邪不也

世尊耳鼻舌身亦復如是善男子於

意云何虛空依意依意識耶不也世尊善男子於意云何衆生依虛空虛空依衆生邪不也世尊展轉不相依各無所行一切諸法亦復如是無觀無行同一空性皆歸實際如如之相世尊譬如虛空無破無壞無性無相無有分別亦無動搖無種無子無果無報無變異相世尊菩薩摩訶薩若能隨順觀一切法如是相者是名於無生法中得無生法忍即呪曰

跢姪他婆上檀跢婆上伽上槃弊反身

幡囉上闍上磨弩叉夜是那上闍上

夜闍上那爾摩堵爾訶上囉上阿上

那上夜頗羅上瞿上頗伽上囉上婆

爾磨阿上毘上那上夜索上幡鏢上

鏢上幡鏢上那上鏢上磨那上鏢上

跢跢迦上囉上磨鏢上磨迦上唎摩

覩毘上沙踈可鏢上磨犁致支跢那夜

結裂鏢上覩僧輸跋爾娑上婆訶

佛告族姓子善哉善哉汝能為衆生

故說此離垢師子遊步欠吐陀羅尼

令諸衆生臨命終時最後意識離煩

惱障業障報障得生清淨佛土汝能

於無量無邊國土城邑聚落在在人
民所住之處現種種身形相威儀為
諸衆生解脫甚深大乘經典令刹帝
利旃陀羅王及諸行惡者速得善法
尔時世尊說是法時無量人天有得
三昧者得陀羅尼者得諸忍者乃至
住十地智者十千衆生得無生法忍
時諸比丘在會大衆天龍及人阿修
羅等聞佛所說皆大歡喜作禮而去
虛空藏菩薩神呪經一卷

佛說虛空藏菩薩神呪經

校勘記

一 此經金藏及石、寶、磧、普、南、徑、

清、麗均未收，茲據大正藏第十三

卷補入。